

Tshitiso Mmeleng kapa Ditshenyehelo tsa Boqhwalala tse laetsweng ke Khomishenara

Tshwane, 29 Mphalane 2021 - Khomishenara ya Ditshebeletso tsa Lekgetho tsa Afrika Borwa (SARS) ka molao o dumelletswa ho phatlalatsa lenane la ditshenyehelo tsa kalafo tse amehang tseo ka tlwaelo di etsahalang le ho leshwa ke motho ka selemo sa hlahlobo ka lebaka la tshitiso mmeleng kapa boqhwalala ba motho eo kapa ba moitshetlehi ofe kapa ofe wa motho eo (Lenane la Boqhwalala).

Lenane la Boqhwalala le ile la ntjhafatswa ka mora hore ho be le dipuisano le setjhaba mme la phatlalatswa ho tloha ka la 1 Tlhakubele 2020 ("the 2020 Disability List"). Hamoraonyana selemong seo sa 2020, SARS e ile ya lemoha ho kgathatseha ha setjhaba mabapi le ho fetoha ha mokgwa wa ho sebetsa palo ya **ditshenyehelo tse amehang tsa kalafo tse mabapi le ditefiso tsa sekolo**.

Ke ka lebaka lena le ka mora dipuisano tse ngata moo SARS e entseng qeto **ya ho kgutlela mokgweng wa pele wa ho sebetsa palo ya ditshenyehelo tse amehang tsa kalafo tse mabapi le ditefiso tsa sekolo ho latela ka moo di hlahellang ka teng Lenaneng la Boqhwalala la 2012**. Phetoho ena e tla qala ho sebetsa ho tloha nakong e seng e fetile ya la 1 Tlhakubele 2020. Polelo e **Karolong ya F, dikarolong tsa 7 & 8** tse Lenaneng la Boqhwalala le lekotsweng botjha la 2020 jwale di baleha tjena:

7. **Dikolo tsa thuto e ikgethang bakeng sa baithuti ba nang le boqhwalala. Ditshenyehelo tse amehang di akaretsa –**
 - **mothusi wa sekolo kapa ditjeo tsa phaposi ya borutelo; le**
 - **ditefiso tsa sekolo tse nang le moedi hodima bokaalo ba ditefiso tse neng di lokela ho leshwa ebang motho a ne a kena sekolong se haufi haholo le sekolo sa setjhaba se lefisang ditefiso empa se sa ipabole ka ho ruta baithuti ba nang le ditlhoko tsa thuto e ikgethang.**
8. **Dikolo tse sa ipaboleng ka ho ruta baithuti ba nang le ditlhoko tsa thuto e ikgethang, ho na le moedi wa ditshenyehelo tsa tlatsetso tse bileng teng le ho leshwa ka lebaka la boqhwalala.**

Lenane la Boqhwalala la 2020 le lokisitswe ka moo ho hlokehang ka teng mme la phatlalatswa websaeteng ya SARS ka la **29 Mphalane 2021**. **O ka le fumana ka ho tobetsa** kgokanyo ena: <https://www.sars.gov.za/types-of-tax/personal-income-tax/tax-and-disability/>.

Ka kopo hlokomelang hore balefalekgetho ba angwang ke diphetoho tsena ke balefalekgetho bao bana ba bona ba nang le boqhwalala mme ba kenang dikolo tsa praevele tsa bana ba nang le ditlhoko tse ikgethang.

Balefalekgetho ba anngweng ke sena empa ba se ba fane ka dikgutliso tsa bona tsa lekgetho la lekeno tsa 2021 ba koptjwa ho kena diprofaeleng tsa bona tsa eFiling kapa ho etela makala a bona a lehae a SARS (ka ho hlophisa kopano feela) ho etsa:

- 'kopo ya tokiso' (RFC); kapa
- ho kenya ngongoreho".

Boikgethelo bona bo tla dumella balefalekgetho ho tseka melemo ya tlatsetso ho ya ka moo e hlahellang ka teng Lenaneng la Boqhwalala la 2020.

* Balefalekgetho **ba tlameha** ho kenya ngongoreho **feela** ebang boikgethelo ba RFC bo le siyo bakeng sa selemo sa hlahlobo sa 2021.

Ho fumana lesedi le fetang lena, ikopanye le SarsMedia@sars.gov.za